

Meur a grouadur tro-var-dro,
 Varnho dija liou ar maro,
 Evitho pedet sant Ronan,
 Kerkent 'zo bet tennet a boan,
 Ha groaguez 'zo bet diliivret,
 Eur vech d'ezhan enn em voestlet.

Tost d'ar chapel, dour sklear a red,
 Feunteun sant Ronan eo hanvet,
 Hag evel eunn dour a vue,
 E rent meur a hini pare,
 Buhan e cass-kuit an drouc-penn,
 E lamm ar gentl hag ann derien,

VIII

Pedit evidomp, sant Ronan,
 Pedit 'vit parrez Locronan,
 Grit d'eomp holl beza vertuzus,
 Ho karet ha karet Jesus,
 Ha preparit d'ho pugale
 Eur plac enn ho kichenn enn Ee !

Imprimatur :

Quimper, le 17 Mai 1911.

A. COGNEAU, vic. gén.

CANTIC

VAR BUEZ HA MARO

ANN' AOTROU SANT RONAN

Patron Locronan Coat-Nevet

VAR-TON : Guers Holofernès.

I

Hirio bennigomp unanet
 Sant Ronan, hor pastor karet,
 Da veza roet eunn donezon
 Ebarz er vro hag er c'hamton,
 Enn eur dezel he gorf-santel,
 O vervel var douar Breiz-Izel.

Er c'hoat, zo hanvet Coat-Nevet,
 El leac'h m'en devoa pel bevet
 Eé binijen, enn' orézon,
 Eno eo miret he galon,
 Evit ma vezou enoret
 Gant pedennou ar Vretonet,



II

Euz ann' Irland oa ginidic
 A dud kristen ha pinvidik ;
 Yaouankic e troaz he spered
 Da gaout descadurez ar bed,
 Mes er furnez, er zantelez
 E creske c'hoaz muioc'h bemdez.

ENN despet d'ezhan beleget,
 Eskop hep dale 'voë sacret,
 Ha sklerijennet gant Doue
 E lezaz enor ha danve,
 Hag hen dont e costez Leon,
 'Vit ober easoc'h orézon.

Eno prestic he vertuziou
 A reaz eleiz a vurzudou,
 E Kerne neuz' e tréménaz
 Gant eunn eal dreist ar mor glaz,
 Ha ganthan e 'voë douget
 Er c'hoat 'zo hanvet Coat-Nevet.

III

Hag eunn den, leunn a vadelez,
 Enn eur velet he zantelez,
 A zavaz d'ezhan eul lochenn
 Evit enn em rei d'ar beden,
 Ha gant he goms oué ken tomet,
 M'enn d'oa poan ouz en dioueret.

He c'hreg fallakr, ha mez ar vro,
 Hag a ioa Keban he hano,
 Eleac'h silaou comziou Doue,
 Kriz ouz ar zant a gounnare :
 Caër he dévoa mont e koler,
 Sant Ronan ne responde ger.

Neuze dre eur gassoni braz
 An den santed a damallaz
 A-zirag ar Roue Grallon
 Euz eunn torfet n'oa ket guirion,
 Méz he gevier, he fallentez
 D'ar zant a droaz he levezenez.

He merc'h, oaget a bemp bloaz,
 Hep truez enn arc'h a guzaz,
 Ha d'ann holl e veze countet
 E z'oa bet gant Ronan lounket :
 Hennez, emez'hi énn egar,
 A c'hoar mont da vleiz pa gar.

Kemeret evit eur muntrer,
 Ronan 'voë caset da Gemper,
 Prest' oar da ober he broc'ez,
 Méz hen pedi tud ar palez
 Da c'hortoz ma vije quelet
 Penauz ar vere'h ioa bet lazet.

Doue diskoez ar virione
 Enn eur reï d'ar verc'h ar vuë :
 Hag ann oll a velaz raktal
 Sant Ronan a ioa didamall :
 Ar vam hebken, ar vamm gruel
 He dévoa lezet da vervel.

Keban aberz holl dud ar vro
Ne c'hede nemet ar maro :
Evithi Ronan a bedaz,
D'ezhi Grallon a bardounaz,
Ha d'ezhan 'vit he zantelez
E roaz istim ha karantez.

IV

Evel ma z'ee dre ar c'halter
Da brezek lezen hor Zalver,
E kreiz ar c'hoat e tiredaz,
ENN ho daouarn meïnn ha penn-baz,
Tud gouez eurz ar re grissa
En esper gellout he laza.

Mèz gant Doue 'voë diouallet
Ouz eñebourien miliget,
Ha kerkent eur voçen garo
A zidarzaz var holl ar vro,
'Vit diskoez sklær da bep-unan
Et tlie respecti sant Ronan.

Eunn dervez, var dreuzou he di,
Edo devot braz o pedi
Pa zigoezaz eur bleiz er c'hoat,
ENN he vec eur paour-kéez danvat :
Ar zant ouz ar bleiz a goñzaz,
Soudén an danvat a lezaz.

V

Da velet ann ermit santel
E-tirede tud euz a bell :

Aouñ ganthan da veza meulet,
E kimmiadaz diouz Coat-Nevet :
E Sant-Brieuc eul leac'h distro
Hen dalc'haz betec ar maro.

Ar Zant eno a dremenaz,
ENN em gavet enn eunn oad braz :
Neuze, neuze, tra burzodus !
'Voë klevet eur c'hân duduiz.
Eur muzik græt gant ann elez
O cass hor patron d'ho valez.

Tri eskop o deuz goulennet
Ar c'horf da veza enterret,
Mès choazet e voë daou ejen
'Vit gout da biou reï he c'houlen :
Lèzet ganthro ho liberte,
Hen digasont e douar Kerne.

Lakeet oa bet ar c'horf maro
ENN eur c'har 'vit tremen ar vro :
Hep gortoz sicour digant den
A hed ann hent evit ho ren,
Gant dourn Doue e voant bleinet
D'enn em renta e Coat-Nevet.

Herzel a rec'hont er plaç-man
Ma z'eo savet kaer Locronan,
Goude m'o devoa græt an dro
A ree ar zant pa oa beo,
Da zaludi c'hoaz al leach'iou
Enoret dre he bédennou,

ENN EUR OBER TRO AR MENEZ,
Neuze Keban en em ziskoez :
Oûman buhan, ouz he velet,
A nevez a zo kounnaret,
Hag hi skei gant he golvez-prenn,
Ha terri he gorn d'ann ejen.

Korn ann ejen ioa bet skoët
Raktal d'an douar 'voë diskaret,
Méz, dre bermision Doue,
A stagaz e plaç adarre,
Ken na voa ar c'horf digoezet
E Plaç ar C'horn breman hanvet.

Keban o veza tremenet
Ne ieaz ket enn douar benniget :
Pell diouz ar zant, var ann hent braz
Eunn toul' hebken doua ar c'huzaz
Er menez, etre diou barrez,
'Vit qua vo dizounjet jamez.

VI

Eunn dro bep c'huec'h bloaz e ve græt
An Dromeny ez eo hanvet,
Ar zant var yun er gre bemdez
Epad ma zeo bet e buëz,
Tost da deir leo var dro he di,
Da bellaat diouthan ar bleizi.

Ar c'hiz da ober an dro-ze
'Zo d'ann eil zul à Chouere ;
Da c'hougnit induljanç plenier

E tired tud a bep karter,
Hag e pedont a greiz kalon
Sant Ronan karet, hor patron.

Ar c'heleyer, hep beza sounet,
O tregerni 'zo bet klevet,
Ha guelet euz bet flammou tan
A-ziouc'h relegou sant Ronan,
O vont o tont dûman-duze,
Erfin o nijal eün d'an Eé.

Eur bloavez, oc'h ober ann dro,
Ne baouezaz ket ar glao :
E riskl edont ar parruriou
Renket koant var ar relegou,
Mèz eleac'h beza glibet,
Sec'h ha dirouven oant choumet.

Caër eo bet savet ar chapel
Gant ann duket a Vreiz-Izel,
Ha d'ar zant eur bez ar braoa
Ornet gant ann dukèz Anna
Evit tenna bennoz Doue
Var Breiz-Izel, var he ligne.

VII

Pell' zo gant hor zant benniget
Ar c'hamton-man 'zo diouallet :
Var ar re vraz, var ar re vihan
E choum astennet breac'h Ronan ;
O tont da bedi d'he chapel,
Sûr eo ann holl da gaout skoazel.